

雷云
仙集



雲仙集目錄卷之十二

七言古詩

喜雨次

國主南山韻

大同軍叛亂

春日嘆

飲博文樓下

聽王子羽彈琴

春夜置酒宋龍門孟魯峪孫可菴來顧自
謂不速之客以詩先示以此奉酬



潞安太守行

贈姚道士

送王宗嶽

章公子行

閨怨

悼鷄

閔山月

老鷓行

青羊山歌

雲仙集卷之十二

雲仙散人著

姪南峯胤樞子胤樞正

七言古詩

喜雨次

國主南山韻

高哉大黨接雲霄山城四月寒飈飄忽焉細雨
帶飛雪陰陰三日連昏朝谷風吹花紅已晚油
雲潤物青何遙綠槐南枝始放葉紫苔滿野特
抽苗可憐村疇民漫喜深耕淺耨忙無已共說

桑麻今歲成未言差賦仍繁且田畯携壺餉客
嘗濃談農事到終始去年春月入夏來滿途餓
俘愁盈臆境中赤地日千里城頭黃霧迷荒苔
下種三時不生植遭斯厄運秋難開值今歲歉
農更苦夜夜中天望雲雨况是驅牛者盡斃誰
知業農又空釜老幼相捐盡逋迯春風始得還
鄉土而今一雨人皆安時挑野菜充腸寬但願
里甲勿追逐還酒官長憐艱難話已忻忻各歸
去捧衣兒女始盤桓城中俠客盛粧飾平生農
器何曾識甲第紛紛厭酒肴豈能粗糲當農食

惟願清風變土頽有男勤耕有女織二日一風
無驟狂五日一雨人民康連雲宿麥各獲刈有
秋禾黍應登塲不識不知順 帝則熙熙皞皞
歸虞唐君輩豈知蒙 帝力堯風自是被重光

大同軍叛亂

西北密邇俱夷寇累世天驕逞爭聞

皇祖明明垂訓深大同重鎮連山右藩封茅土
雲中轄城高池深利兵甲百六十年胡騎空三
千里外狼烟散天城揚和與二衛老家精壯非
流配歲歲行邊逐小王時時操斧編行隊邇來

烽火又不揚一朝變故誰能詳天兵咫尺誅強
暴是非激切應難料

春日嘆

園中青草惟時發桃花柳葉何倉卒日暖風和
蝶忽來花鬚柳眼爭超越雨過花飛柳弄眠燕
子時來春事歇潞南水漲漳流平白鷗白鷺何
多情有客閒行耻干謁細看白鷺心惺惺

飲博文樓下

在事無干了莫聞春杯有意還酒酌風竹知人
似點頭簷花得意猶堪樂浮雲滿眼碧天清細

草侵堦綠油潑拚取今宵共沉醉月明一任西
簷落

聽王子羽彈琴

王子來洛下携琴為我彈清風滿庭宇新月來
座間空音石泉暗古意江濤翻春鶯恰恰在高
樹秋蟬急下悲寒瑋幽懷欲訴却下盡玉斗一
擊紛珊瑚行雲當空杳莫止溜雨瀑布來無端
刺刺市語非錯雜軒昂磊磊落多衣冠初聞心已
清久坐情未闌忽焉悠悠長秋思孤鴻別鶴增
凄然操絲抽蚕可忍聽落在飛絮隨流湍苦遭

俗聒耳更厭靜聞此聲開心顏始知枯桐有深
味古人中曲吾能探請君改絃作別調愿夕不
寐銷塵煩

春夜置酒宋龍門孟魯峪孫可菴來顧自
謂不速之客以詩先示吟此奉酬

春風吹花飛李香草閣晴夜明月光醞酒待賓
剪新韭調琴倚曲彈鳳凰鳳凰不來竹空實美
人延佇玉漏滴叩門長鬢跪致詞謂道三人不
速客倒徒逐之敬終吉呼姬享茗清香生便看
錦瑟理新聲金壘不惜共成醉良宵欽欽傳幽

情幽情不盡意冷淡願將肝膽尊前傾酒酣起
舞看寶劍仰天大笑蒼龍精

路安太守行贈宋龍門

漢家舊重二千石五馬悠悠下京邑載酒行春
興有餘看花不異當年色野人共與青山醉閭
里權然盡無事四方風動頌聖王太守之心
終茫茫

贈姚道士

少室山中神仙死玄都御史真皇王碧海茫茫
幾度更人聞歲月酒史事麻姑笑殺東方生河

上夫人丹九成參同契中語言淺乾旋坤轉誰
長生

送王宗嶽

瑤瑟不願聽洞簫不使吹却把玉人手持盡春
風危人生浮雲倏忽散如此懽聚能幾時河堤
柳色眼中落明日明年誰共樂耳畔心情訴不
開天南風雨時時作只看千車意常通天夫便
去何傷衷

章公子行

章公子家南京聚寶齋隨王任坐承 皇恩王

親世業轉見大於路生有五葉孫公子傍支累
積德飲酒樂善無他言門閭清清似不貴尊前
度曲情飛翻可憐公子意亦厚舉世不識誰將
尊

閨怨

梅花帳冷寒月開清魂入夢連陽臺陽臺夜悠
雲雨散月明人影空裴徊踈星透漏碧紗細惆
悵玉顏自憔悴忽聞天畔鴈聲來不見音書空
掩淚

悼鷄

錦色披摛稱五德日日窗前啼曉月羽翮鮮然
華更舒雌雄噴醒心無惕時午長鳴上短垣深
夜依堦棲檐隙尋常音態逐惡蟲蝮蝎遁避莫
敢呈何因墨水一入口涸曳之命皆能傾止緣
非分莫可啖豈是異物還傷生五更寂寂不知
曉晴窗夢醒令人惱

閔山月

居庸關上月浩浩清光照金闕此系荆關上月照
見征夫衣上鉄秋風吹月度關山草色蕭蕭風
雨寒古來戰地人烟絕惟有紛紛山月白

老鶴行

潞河老鶴毛羽禿漳河老鶴骨格奇長鳴高飛
占洲渚清水濯刷無塵滋益至人悄然伺出沒便
欲結網生心機知雲苦霧隔去跡無情豈是能
防危明朝砂岸亦何有青大濶遠誰知之

青羊山歌

戊子十一月有賊稱亂青羊山縣官畏縮不能
捕太守飛報日未閑鄉民憔悴各遁避妻啼兒
哭生愁顏州帖作日下省劄前日行指揮乃武
人城中聞點兵壯士汹汹盡帶甲號令明發遠

通同朝渡大河水暮到青羊裏鼓旗未戰日色
黃須臾哭聲滿路傍可憐二將一朝死王事不
敢為身臧撫楯聞之奏 天子天子赫怒亦不
已都督兵來轂自揚三省會合風雲起盡殲醜
類巢穴空更縛渠魁殺不止婦女此時亦共忘
八十老翁一週子嗚呼誰知王者兵舞戈待格
有苗生玉谷俱焚亦何至諸公求鑑應自明有
功文武竊上賞無辜之死非人情憶昨激亂豈
無自即年快手催科事官府遣之莫少停鷄犬
不寧文奚罪更將平民指作盜山中却藏惡年
少良人被箠苦拘幽以此人心皆變故釀成愁
恨莫可追血汚狼藉傷天威便言山險怙終賊
更設新邑撫治之政令益煩人益擾置吏仍多
費不資立石豎功况未已誰憐枯骨漂秋雨深
夜狐狸獨跳梁月明鬼泣無人語

雲仙集卷之十二

雲仙集目錄卷之十二

琴操體

風雨操

湘妃操

剪桐操

西山操

歸歎操

二宿操

憂傷操

鴻鵠操

雲仙集卷之十二

七

商山操

騷體

九遊

龍山謝雨享神辭

二仙祠祭神曲

紫團山高岑

吊王松先生歌辭

雲仙集卷之十三

雲仙散人著

輝嗣峯胤樵子胤榛校正

琴操體

風雨操

成王啓金藤而作

飄風兮晝晦暴雨兮淫與疾余心兮愁殷殷仰
蒼昊兮思台考祖發金藤兮憶公釋昔惑兮感
是

湘妃操

舜二妃作

水溶溶兮去莫還竹蕭蕭兮淚沱斑聖九疑兮

不見愁人心兮何年

剪桐操

周公作

禹萬國兮商孫其德召公夜行兮聞歌而去天命匪常兮維藩是輔嗟小弱之當封兮誰曰不然

西山操

夷齊作

傷仁人兮胡伐而為嗟我臣兮豈不為君而悲山之陽兮亦足死明是禮兮萬世之下暴予心兮放動與重華

歸歎操

孔子在陳作

餒饑兮顏温温憶回兮其後先思周公兮在夢顧弟子兮沛顛

三宿操

孟子作

王如改兮予日墜之王庶幾兮余何行哉去遲遲兮日暮愁鬱鬱兮抑何心

憂傷操

樂正子春作

心忉忉兮傷衷痛徹骨兮憂忉忉惟親枝兮敬而色慄慄兮何容弟子不知兮予何敢忘於親

鴻鵠操

漢高祖作

鴻飛兮悠悠莫吾類兮而秋豈私愛兮不成欲

托遠兮志何投

商山操

四皓作

食紫芝兮山之陰髮皓皓兮憂慕秦信招致之
一至翼太子兮何心人間兮亦久留時歸來兮
絕問與音

騷體

九遊

自屈平九歌宋玉九辯代有騷人作者
皆以九為節蓋不盡意云因述九遊以
道余志

惟言曰兮遨遊舜天閑兮龍媒整玉轡兮金嚼
嗟長風兮歷九州呵阿香兮從余駕雲車兮容
與慨晨光之靄靄兮念窮荒之故多惟澄神以
瞻聖兮眇萬里之須臾顧雅廉之後先兮由吾
心之所之

右叙遊

瞰三山之洲淑兮咲仙人之奚為嗟鳳麟之遠
處兮抑何時以翱翔眇蒼溟之微淺兮恐桑田
之時更惟魚龍之混混兮悲魚蝦之共生倚寶
樹以探珊瑚兮得驪珠而夜光思照乘以為寶

兮抑空懷而徒傷

右東海

升泰華以凌霄兮捫雲華之飄飄望九疑之遼
邈兮嗟重華而泗流信凱風之無止兮遵天德
以龍遊撫蘭茝於幽谷兮節孤松之蒼虬屬黃
獨以咀嚼兮延余壽而長休

右泰山

撫空山之無人兮聞虎吼以愁予朝有雲霧之
變豹兮莫有山鬼之猙獰余欲結茅以棲居兮
思堯德而至仁有芝闌與積棘兮山人能以辨

兮何砥砢與瑤玖兮而莫知其偽與真

右西華

嗟浩渺而湯湯兮余欲渡而無舟纍乘桴以泛
泛兮侶魚蝦與白鷗倦余懷之莫止兮謝世紛
其何由悲薄俗以傷衷兮弗遵皇之典則重寶
貨以憑身兮狹宦位之庸泰嗟染染之相狎兮
復悲其波之橫流

右長江

曰遵彼大道兮由吾行而至上止恐窮途之迫促
兮策吾駒之白馬顧周行之坦坦兮惟直道而

莫回騁馳驟之準急兮抑騰驟之是賴方盡日以徘徊兮又豺狼之前在

右大道

極大荒之遐陬兮邈漫漫而何窮自鬱鬱以遼瀾兮志已周力曷勝願八極之窮髮兮絕魑魅而君子生惟衣冠之燁燁兮奉王正而棄文身守四夷之勿用征兮民老死而莫逢迎

右大荒

渺余心之穆穆兮塞予裳以探源觀洪流而濁濁兮自崑崙而苑玄派九分以東入兮倒天地

之洄波茫無垠而不可測兮嗟余濟之將何

右大河

適子孟夏之草木兮極衆芳之爭妍嗟幽蘭之深澗兮采雜花以爲眩重芍藥之紅瑣兮委白芷而淡然曠廣川之悠遐兮誰盡擊而遍識披荷衣而相尋兮惟蕙蒨之有在薰天地之深澤兮托美人而一顧

右廣川

惟天門之九重兮欲叫闔而無路呵守者重叱兮嗟予言而奚怙慨列星之傳雙兮逢商高之

夢與思悲余之微誠兮若拯世之可許茲溥天之弘化兮抑何以愁云昔聖后之擇藹蕘兮况土直之增山知不可乎出位兮聊逍遙於山間亂曰雲濛濛兮烟嵐電灼灼兮高天嘯空兮寂寞杜萬怒兮惟顏托瓊枝兮大樹抑附根兮昌年

右天門

龍山謝雨享神辭

雨足兮春郊松鬱鬱兮山椒龍乘雲兮至止萬民仰兮高霽

鼓坎坎兮龍宇神聿來兮莫知處陳有羞兮清醑神之格兮咨與跪進觴兮巫屢舞人神懼懼兮心勿苦

二仙祠祭神曲

斟瑶酒兮仙堂獻碧柝兮春芳舞白鶴兮晴宇乘青鸞兮翱翔紛霞衣兮莫止迴雲馭兮空壘

紫團山高亭

石榭嵒兮水泠泠松洒洒兮下有蒼谷鳥鳴兮春莫澗風動兮涼生懷人兮不見坐空亭兮思情

吊王松先生歌辭

昔有人兮居雄山信淳淳兮心閑閑冠裳敦素
兮古朴棲身大隱兮不入市與廛家有範兮鄉
有約子弟執禮兮無往誼閨門肅肅兮敬而昆
季睦睦兮為難配王姬兮帝姓列大夫兮鵷
斑不恃賢兮寵榮不慕利兮苟營營崇孝弟而
遵孔訓兮化閭里而成唐風友大賢兮當代
之名儒行古道兮弗枉尺以為能慨鷄鷩之競
食兮悲鸞鳳之寂寞視雜花之空兮憐蘭茝與
杜若製荷衣兮采白蘋食黃菊兮餌紫英正風

世以援弱兮奚高蹈而長終嗟斯人之已矣兮
俾余長大息而撫膺惟君子而無與遊兮慨後
生而何以折衷天殞星之不惜兮地失主而山
藏精咽漳流之瀟漫兮日嗚嗚而泣聲慘白楊
之蕭蕭兮夜蕭蕭而悲風嗟余劍之長挂兮托
虬枝於玉松邈一世之曠感兮使人歎歎而何
情

雲仙集卷之十三

雲仙集目錄卷之十四

賦類

承運殿賦

登臺賦

感物賦

述志賦

憫心賦

友一鹿賦

可悼賦

祝壽賦

登五龍山賦

雲山集卷之十四

雲仙集卷之十四

雲仙散人著

姪南容胤榘子胤榘校正

承運殿賦

惟皇建極十有六年越六月哉生明律應林
鍾吉日辛亥我

藩國大造承運殿成告于

祖廟昭于社稷祀於山川神人胥懽國有慶資
昔在

先王明德允恭克諧仁讓簡在

皇祖錫以大邦建封於洪武之國於永樂赤壤
白茅奠此西土歷茲五葉六世九

王惟我

康昭善世而不伐

莊穆德博而化惟

恭惟

安惟

惠曰淵曰懿俱極

聖善是以疆場以寧藩屏是固百二十年於茲

矣惟我今

王有道克嗣明誠大老尊

親

睿德玄覽 國益隆盛爰念

先王舊宮又隳莫可居處陳疏於

帝帝曰俞哉乃命有司審量日力詳度費務重

錫以金一億

王乃再拓宮基益殫經畫其諸宮院次第成緒

惟茲承運乃承宣運化之庭

朝賀群臣之所擬諸宮殿尤加重焉今茲允成

制摹宏壯守在

王府不有頌賦曷克以昭
王德訓世子永後裔哉謹撰承運殿賦其辭曰
於穆

皇祖大封土疆區九州之上腴開 王國以奠
邦藩我 帝室屏我 帝京固山河以為帶礪
磐石以為宗經緯乎陰陽體象乎天地星羅布
列犬牙相制惟我

簡祖

太祖親子受此大邦傳翼後嗣一德匪懈宮室
儉朴惟仁是溥惟義是約六古相承遵之未違

惟今

費土上繼

祖志爰述

祖事發政施仁先之無逸惟時清平 藩國寧

謚脩復 王宮以備制度於以潤色奕業揄揚

景休乃建大殿以壯以觀眾方說豫庶民于來

惟日就緒乃遵 王制名曰承運夫承運者承

宣而運化者也既承 天運復考 祖猷福履

尤備百爾是脩是以卓犖諸 王兼其所有定

以方中作之 審宮厥位回陽厥土燥剛據坤

靈之正位放星野之神方綠瓌材而窈竒撫應
龍而畢祥列勢撩以布翼大梁棟而高張雕玉
碩以居楹裁金碧以飾墻發五色之渥彩揮白
鍊之鐸鐘左城右平重軒二階盪頂周達牖闥
環迴盤崖鬼以登降炤明采而軒輝屋不室材
墻不露形琉璃翡翠朱窗玲瓏玄墀鈿砌玉階
形庭甬道紆直下盤方隅上繪蓮荷極棟宇之
恢闊擬玄雲而虹垂欒櫺疊施華葩真竒雲藏
旅楹霞封旋題龍案鳳枕螭盤鸞高楣其爲狀也
屹然特豎虬爾殊形高際天漢平臨日星即重

堦以廉遠端椽桶而翬崇朱桂初欹於南北芝
蘭秀發於西東祥風翕習以颺麗馨香馥郁而
薰濃况奢不踰閑儉不爽度量經綸以得理
考廣康以盡宜方其用財取物常畏其誰賦政
任役常憫其力况取之有道用之以時山澤獻
材而莫盡梓匠呈能以無斁是以人忘其勞物
用不竭經始勿亟落成不日是故青眞肝朗杏
藹翁鬱洞開重門肅如矢直一無私曲豈有細
絙順帝則而應昌期趾盛美而獲純嘏由是
排鸞儀設象輅設庭燎樹旗幟鳴金鼓之嚶嚶

宣大樂之溢溢虎士嚴立武臣獲衛 王乃被
法服佩鳴玉執价圭冠冕流履赤舄祝
萬壽於丹陛拜 駐表以授使蓋所以永膺非
命恭仰 皇威者也然後 王坐於中 朝見
諸官奉引傳呼法鼓三嚴輔導睦睦 王臣便
便封內文武拊巡監宣列品羅拜均仰賀焉氣
象孔毅雍雍焉然惟 王則肅肅在躬林惕是
承黃纒塞耳聽於血聲流珠蔽目視於無形敷
之以德存之以誠 王實德悌孰敢不興是則
殿庭所以昭德 王者之所自重也若夫上法

朝廷遠憲 祖宗睦親親體臣工昭輝列於
邇撫側陋於鯨育行不變王駕不亂表清心寡
欲省刑薄賦吁吁怡怡寵綏 天祐是故殿之
高也歷不仰 王之高殿之深也罔不守 王
之度德音孔昭膏澤下布况爾斯干秩秩能寵
婪叶百男示祥百祿永式是以幅員千里之內
提封萬井之中莫不懽忻舞蹈頌歌鼓腹於
王則不自滿假脩明典禮以示子孫昧曰不顯
弗敢怠焉經國之要畏戒勉旃 王之玄德淵
不可預然而尊節儉尚素朴思仲尼之克己念

老氏之常足將使心不亂其所任目不見其可
欲所貴惟賢所寶不王故使人去末而就本臣
懷中而抱慙上下和平無營無括是以神靈護
其殿庭 天帝居高而聽卑歷千秋以無替傳
孫子之無前與我 皇明悠久而無疆者也頌
曰 殿穹窿兮而虛中敷文德兮以昭明仰
皇顏兮斯在躬思 祖德兮以顛顛受遐福兮
惟孔洪 賢王作兮中葉興示子孫兮崇工陋
漢室兮魯共樂善兮東平宜壽考兮千齡翼後
齋兮永貞

登臺賦

登高臺而望遠兮瞰太行之翠律俯漳河之澄
清兮極雲樹之悠悠仰京華之在日兮惟藩國
以奠安喜細岷之忻忻兮意四海之阜康嗟草
木之茂暢兮與鳥獸之潛翔拭吾目以長眺兮
對春日之景光舒百年之嘯傲兮聊盡余懷以
徜徉

感物賦

惟歲月之代遷兮抑暑寒之屢更噫 天運之
循環兮若駒隙而無停慨物變而隨化兮見夕

悴而朝榮日去速而移晷兮慨園林而變夏禽
視蒼狗之擾擾兮又秋雨之零零嗟吾道之未
進兮忽老大之傷衷

述志賦

嗟余生之奚為兮日食稻而衣錦徒懷忠而無
補兮履亨衢而束窞限出位以盡蓋兮寔老死
而自允天生余以有心兮憫在頑而墮 皇猷
意扶持以援弱兮志已鰥而道莫由惟上述居
虞兮注空言而泗流自志學而弗惑兮歲云莫
而未休豈不知富貴逸樂兮耻沒世而名不留

恐草木之同腐兮日孳孳以潛脩乃不知老之
將至兮忽一毛而上巔慨無成之已矣兮述余
志而何言若復性以淵默兮念至理而獨然惟
則 天以常建兮乃終日以乾乾

憫心賦

方澄澈而無以兮觀七情之未發非冲漠而無
朕兮實靜極而動越接人物之孔多兮惟應之
以誠一既接而復靜兮若盤水而允執又直內
以恭敬兮寔安定而無適謂非人之橫加兮亟
思避而莫得惟順受斯厥逆兮亦孔傷以迫切

是用擾吾衷以耿耿兮惟慎今而思昔嗟厥心
之勞勞兮俾余橫困而敢息

友一廡賦

逍遙逐時邈情無懷仰白雲之卷舒俯清池之
縈洄楊柳蔭濃脩竹森戟門逕少客二廡徘徊
性窅窅以馴習心舒散而幽哉時則主人獨坐
呦呦而來或俛仰而長鳴或跳躍而遊迴遶我
左右視我噉噉食萍食藻弗狎弗群意無所慕
心無所適任直自然調息終日行則顧首眠則
守一既不物競何有瓊窟乃禽之仙為物之逸

侶余數稔朝莫在側招之而至揮之而逸彼弗
忻戚余亦何知吁嗟乎嘻吾何友而在讀書則
友古人之賢在觀物則友木石之愚於人也未
嘗輕友必畏敬之於斯一廡若友而宜不與語
而與意不同事而同情無是非擾擾無榮辱累
明道妙淳淳將神貞貞盤桓而殷撫摩而親任
其喜而跳怒而觸皆當其情而一其天余於
是知吾之終日廡所用為豈非一廡之起余耶
何外物之足動衷哉若然則廡亦可為友而益
者也歌曰鹿鳴呦呦食萍河洲寓我之囿在野

何求予與爾無求則相何尤

可悼賦為平陽宗人作

惟大塊之化淳兮乾德健以好生抑坤輿之畢
載兮無巨細而載承萃萬物之靈秀兮抑三才
以悠分競林林而長兮惟氣秉之渾淪自堯舜
而迄今兮莫不重義而遵倫 天命有德兮整
萬彙於無垠驅胡夷而汛六合兮 聖在極而
皇敦撫黔黎以中夏兮及重譯而來賓俾覆載
之得所兮被草木之并深成千年之大業兮列
維藩以屏均 皇餘裔之散處兮尊祿位以仁

親既克明其峻德兮時分寶玉而履之胡百六
十之承運兮當盈成而豈迤 皇既愛以同人
兮又奚咎而為心惟侯王之邦朝兮曾夢寐之
莫臨雖脉毛之相生兮若有耳而無聞豈無忠
之盡赤兮抑踈遠之情稟固因循以沉默兮矧
支宗之無教迺象養之以食飲兮矧群居而近
獸既無禮以陷法兮又從輕而寡究名緣以
皇族之懿兮溥 聖與而無科若無罪而返之
死兮繫終身如囚云豈不孥之古訓兮文及嗣
而弗 教其往者尚鮮兮近來者尤甚在

聖戒不教而殺兮是罔民以逆道今 皇道之
流布兮化已至而未盡獨糜祿以順性兮無禮
義以沃心至作非以亂常兮文疏法以驕之衆
肥瘠之視秦人兮其何異乎夷狄與大羊小人
深疾而憎惡兮惟君子而慨傷憶老成之謀國
兮嗟其人之無知重乃封之茅土兮思
祖德之訓章雖有咎之無災兮惟深念而可傷
嗟斯後之益愚兮不教之云章章斯教之而抑
何為兮生有養而死有藏崇孝弟無以爵拘兮
抑富強而植善良善惡分而有勸兮寔

聖靈之裔曰嗟強以爵而相欺兮愚者亦顛顛
而冒法譖寡遇之成人兮疇無人而扶顛實樹
盛而枝繁兮思摘仄而恐傷根在栽培之扶踈
兮惟賢 聖之有作

祝壽賦

惟旃蒙大淵獻臨祝融哉生明鄉雲霧而呈祥
旭日曉以融融靈雨收 天風清南極耀壽星
明歌曰惟長兮東海波惟永兮崑崙阿惟堅兮
松柏柯惟爾與壽宜無何又歌曰仰 皇明兮
萬年 天潢兮派千 宗藩兮底陔綿 玉葉

方惟賢酌酒兮願永延

登五龍山賦

山在潞安東南僅舍許盤直六七十里
連屬太行迤邐迥秀萬松青森神廟懺
恪少時多遊焉邇以十年不至丙申孟
夏既偶為一遊情逸心動慨然賦之寓

紀所見

奠坤輿之靈壁兮擘大行之奇勝覽莽蒼之崢
嶸兮遑迢迢之饒境俯翠微之嘉色兮瑣逶迤
之幽弄沂紫團而分支兮襟壺關之嶠逕上鬱

郁以藹藹兮出雲龍而安止發五色之鄉雲兮
歷晉代而唐宋陰洪濛之九五兮豈潛龍之無
用漑見田而躍 天兮媚山川而鎮靜樹栢松
以蒙密兮竦嶺崗而掩映下澗水之潺湲兮流
瀑泉而浮動陟崔嵬以遠望兮擬滄海而雲臺
俯三晉之故壘兮慨文公之霸柄嗟豫子之真
堅兮傷智伯之無竟瞰唐墟之朴陋兮澆沃野
以淳正置神祀以誠祈兮企廟貌之寅敬嗟乎
我我來自東言徂茲征行邁靡靡駕言與容覽
天表之澄澈試雲霓之泠泠北引白谷下極南

東眺馬鞍之不遠顧羊頭而怳怳我馬彭彭我
車營營恐迷途之少失訪樵牧以經過黃鳥飛
兮春暮夏禽噪兮薰風如山芝兮咀嚙引澗水
兮心清仰黃龍兮中 天攀白雲兮晴空鬱大
造以順化蘊靈籟而高鳴止龍宮之峩峩兮倚
金蘭之莖莖步死轉兮旋折姢間媛兮管真拾
杜若兮芳芷睇岑嶂兮青真聽晨風之飄遙樂
時雨以零零亂曰山之長兮水之遠碩人來兮
陟彼峻嶺時若兮霖澍方萬民望兮吾神龍龍
蟄雷兮雲飛揚變軌大兮化彰彰朝 玉帝兮

參紫京 金闕邁兮 天門通霧溟溟兮神來
宮倏忽默兮回杳冥

雲仙集卷之十四



卷15-卷17

